

太一救苦護身妙經

爾時

元始天尊在玄景之上清微天中九色玉堂昇七寶座放大光明普集萬靈與天教化十方天尊道君老君帝君元君丈人聖人萬萬

仙眾俱來詣座聽宣妙法於是梵王稱善帝釋欣歌仙樂自響隨光而至是時太上老君身離玉座步躡蓮花真人侍於左右玉女扶於或裾至

天尊前奏曰臣等蒙師開化受福天堂施功無極恩不可量臣觀三界之中苦海之內無量眾生橫遭厄難罪網牽纏再類羶情難逃生化臣不可住於太清欲仗威光分身三界救度羣情惟望至尊觀心慈愍於是元始天尊微起法身告

老君曰善哉善哉汝離玉座驚怖萬天救苦救生不須汝言可選座中吾為宣說

天尊曰萬物吾生萬靈吾化遭苦遭厄當須救之不須汝威力化身救度此東方長樂世界有大慈仁者太一救苦天尊化身如恒沙

數物隨聲應或住天宮或降人間或居地獄

或攝羣邪或為仙童玉女或為帝君聖人或為天尊真人或為金剛神王或為魔王力士或為天師道士或為星人老君或為天醫功曹或為男子女子或為文武官宰或為都大

元帥或為教師禪師或為風師雨師神通無量功行無窮奉聲救苦應物隨機令告汝知老君重奏曰此之威神有無量變化如何得至我師御前

天尊告老君曰汝可舉聲唱太一之名使仙官齊誦自然應化現身於是老君眾仙等遵其教旨齊聲稱誦太一救苦天尊之名忽見帝君班中有童子一人步步躡於蓮花藉首至

天尊前奏曰臣乃太一為我師開化說法臣集相聚形聽宣妙音天中快樂一時地下動經萬劫三界之中羣生受苦高聲叫喚苦哉苦哉旋遶

天尊禮拜俯伏乞下天關於是眾仙見童子奏對泣淚滴衣哽噎嘆言天上快樂地下受

災輪迴報對何時清閑

天尊告太一曰汝行願慈悲眾生受苦依汝行願分身救之童子喜笑再拜而退眾仙觀見童子化一天尊足躡蓮花圓光照耀手執柳枝淨水九頭獅子左右從隨乘空而去又見

天尊化一帝君足躡蓮花手執如意圓光照耀九頭獅子左右從隨乘空而去又見帝君化一真人足躡蓮花手執神光上通九天下通九地九頭獅子左右從隨乘空而去又見真人化一女子身著火錦觀衣披髮跣足躡於蓮花手執金劍圓光照耀九頭獅子口吐火焰速於身形乘空而去老君奏天尊曰此聖威德變化救生從何而有甚哉修行惟願應機為眾宣說

天尊曰此聖在天呼為太一福神在世呼為大慈仁者在地獄呼為日耀帝君在外道攝邪呼為獅子明王在水府呼為洞淵帝君汝是吾之氣吾是汝之根汝知吾知此是九陽之精甚靈甚靈汝可秘之不可盡述是時老

0-921-00

君聞

天尊言閉目定神彈指叩頭呪曰

元元之祖氣 妙化九陽精 威德布十方
恍恍現其真 三九揚風出 徘徊離始青
恭敬生瓊液 奉之免渴饑 萬靈當信禮

八苦不能隨 積行持科戒 提攜證玉京
爾時

天尊重告老若及諸仙曰若有衆生時遭疾
疫病痛纏綿可以焚香念誦聖號看轉此經
疾患退散克復安寧若有衆生求官覓職或
佞妄生但當念誦聖號看轉此經自然嫉妬
不生高遠緣袂若有衆生泛涉江海波浪所
驚魚龍欲傷可以存思念誦聖號便得遠岸
無有害傷若有衆生值雷霹靂風雨驚怖但
當存思念誦聖號神氣真清魂魄不動若有
衆生父母師資六親不和兄弟乖疎但當存
思念誦聖號看轉此經自感六親和睦父慈
子孝兄弟恭若有帝王國主朝生叛臣兵
火作亂風雨不調萬民塗炭怨地尤天但當
持齋念誦看轉此經風雨便得順時叛臣敗

露國秦民安若有衆生為邪精鬼賊妄來所
傷但當存思念誦聖號妖魅自止鬼賊滅亡

若有衆生山林往來被蟲蛇禽獸奔奪所傷
但當存思念誦聖號禽蟲自退不敢來害若
有女人懷受胎孕臨產艱難但當存思念誦

聖號自感真氣佑護無痛無傷便生智慧之
男有相之女六根具足母子團圓若有男子

女子慕道求仙在家出家養性養命但當存
思念誦聖號看轉此經便得功行圓滿白日
昇天若有衆生頻遭枷鎖牢獄之中呻吟難

訴但當存思念誦聖號便得解脫出離困圍
若有衆生為七祖九先門人同學夫妻男女

身歿之後流滯寒庭未得託生但當存思念
誦聖號自然出離陰境便得生天若有衆生
為冤家牽引後連相纏但當存思念誦聖號

冤家解釋後連斷除於是
天尊告老若曰此聖最尊最貴最聖最靈最

月三九日多降人間常於淨室中焚香禮拜
柳枝淨水時花樂苗如法供養自然壽滿一
百二十五福常臻八難速離切忌竈下灰爐

石榴穢物此為不潔勿令觸之爾時

天尊說經畢竟大會之中羣仙唱善獅子能
語鳳凰能言魚龍成人枯朽還生蠢動念情
福資皆備巍巍堂堂皆得昇仙於是
道君老若無量衆真同聲讚嘆今聞妙音大
獲利益奉辭而退

太一救苦護身妙經